

Wer "produziert" hier den Müll...?

Montag, den 19. November 2012 um 22:30 Uhr -



Grad hab ich den Bericht iwwer den Müll bearweid. Do behaubte die ich deeht Müll produziern. ICH, 500 Kg, 6 mol soviel wie ich wiie deeht! (Gud geschätzt ich wiee 510 gedeild dorsch 6) Also ICH mään: ICH **verursach** den Müll vielleicht, weil ich Zeisch kaaf des oigepaggt iss unsoweider awwer **"produziern"** du ich des besdimmt nit!

Des kimmt zwar uffs selbe raus, trotzdem leesch ich werd uff die kloo Nuance, Sie verstehn? - ungewolld verursache, nit produziern, wenn´s mir nooch ging hätte mer wenischer Dreck in de Tonn! Hier e Beispiel:

Ich hab in moiner Metzjerei 5 Scheibe "Corned Beef" gekaaft. Oigepaggt hawwe die des in e Klarsichtfolie donn nochemol in e Babierblatt und donn in so e klää Blastigbeidelche und des donn in en große Blastigbeidel mit eerer Hengelschlauf zum traache dro...

Donn wolld ich noch e bißje Kees, habb ich aach kriecht. De Kees in e Klarsichtfolie, die donn in e Babierblatt und des donn in e klää Plasdigbeidedlche und des donn zusomme mit dem Corned Beef in den große Plasdigbeidel mit dene Tracheschlaufe dro.

...un des habb ich donn in moi Stoffbeidelche gestegg und bin hääm gonge. Merge se was...? Die sinn doch beklobbt odder? Des muss doch emol gesaacht wern derfe...!